

玉
燭
寶
典
一





典寶燭玉

(一)

撰卿臺杜

玉燭寶典序

易繫辭云庖義氏之王天下也仰則觀象於天俯則觀
法於地書堯典云歷象日月星辰敬授民時此明自
古帝皇皆以節候為重故春秋每年書春王正月言
王者上奉天時下布政於十二月也橫被四表奄有
万方品物嘉榮率土照潤昔日典掌餘暇考校藝文
禮記月令最為脩悉遂分諸月各以冠篇首先引正
註述及衆說續書月別之下增廣其流史傳百家時
名兼采詞賦詩靡動過其意除非顯著一無所取載

土風者體民生而積習論俗誤者莫勉之以知方始
自孟陬終於大呂以中央戊巳附季夏之末合十二
卷惣為一部至如雷雲霜雨減降參羗鳥獸魚虫鳴
躍前後春生夏長草榮樹實孟仲之際晏早不同者
或叙其發物或錄其尤盛或據在周雒或旁施遘襲
縱令小舛羗可引通若乃鄭俗秦聲楚言越服須觀
同異的辯華戎並存舊命無所改創其筆名手出即
文不審則注稱今案以明之若事涉疑殆理容河漢
則別起正說以釋之世俗所行節者雖無故實伯升

之諺載於經史名觸類援引名為附說又有序說終
篇括其首尾案介雅四氣和為玉燭周書武王說周
公推道德以為寶典玉貴精自壽長寶則神靈滋液
將令此作義衆美以玉燭寶典為名焉昔商湯左相
稱日新而猷善姬穆右史陳朔望以官箴降在嬴劉
迄于曹馬多歷年所代有著述幸以石扉鑱仰金府
味思覽其事要撮其精旨上極玄靈下苞赤縣雖寬
梳統續天宗帝籍之宜咤耕馐畝條束剗草之勢森
羅區別咸集於茲矣世并討論緬踰積載唐先歌戲

絕笔時未墜在人傳聞竟爽知音好事無或廢言序
說日先儒所說月令年有不同鄭玄以孟夏命太尉
周無此官季秋為來歲受朔日隨秦十月為歲首遂
云作禮記者取呂氏春秋蔡雍以為月令自周時典
藉周書有月令第五十三呂氏春秋取周之月令其
或與秦相似者是其時所改定也束皙又云案月令
四時之月皆夏數也殆夏時之書而後人治孟畧檢
三家並疑不盡何者案春秋運斗樞辭以太尉受号
即位為天子然則堯時已有此職其十月歲首王肅

難云始皇十二年呂不韋死廿六年秦并天下然後以十月為歲首不韋已死十五年便成乖謬蔡云周典籍者案周書序周公制十二月賦政之法作月令自周書月令耳且論語注云周書月令有更火之文今月令聊無此語明當是異本云四時皆夏數者孔子云行夏之時以夏數得天後王宜其遵用非必依夏正朔即為夏典其夏時書者小正見存文字多古與此叙事各別唯皇覽所引逸札髮髻相應當是七十弟子之徒及其時學者雜為記錄無以知其姓氏

呂氏取為篇目或曰治改遂令二本俱行於世恐猶有拘執故辨明焉

正月孟春第一

杜預曰凡人君即位欲其體元以居正故不言一年一月

禮月令孟春之月日在營室昏參中且尾中

鄭玄曰孟長也

日月之行一歲十二月會觀斗所建命其四時此云孟春者日月會於陬訾而斗建寅之辰也凡記昏明中星者為人君南面而聽其日甲乙皆解字甲自坤軋天下視時候以授民事

而出者也其帝太皞其神句芒

此倉精之君木官之臣自古以來著德立功者也太

皞宓戲氏也句芒少皞氏之子曰重為木官者也

其蟲鱗

象物孚甲將解鱗龍蛇之屬

其音

角

謂樂器之聲也三分則益一以生角、數六十四屬木者以其清濁中民之象之也

律中大

族

音倉豆及律候氣之管也以銅為之中猶應也蓋春氣至則大族之律應謂吹灰高誘曰萬物動生

族地而出今案春秋元命苞曰律之為言其數八數率也所以術氣令達宋均注云術猶遵也

五行佐天地生萬物之次也木其味酸其臭羶其祀生數三成八但八者舉其成數

戶祭先脾

春陽氣出祀之於戶內陽也祀先祭脾者為陽中於藏值脾為尊也東風解

凍蟄蟲始震魚上負冰獺祭魚鴻鴈來

此時魚肥義獺將食之先

以祭也鴈自南方來將北及其居高誘曰是月之時鯉應陽而動上負冰也今案莊子曰潛鯉春日毀滴而蓋衢者鯉也司馬彪注云潛水中也鯉澁滴池蓋辭衢道也言冬日水鯉澁不通春日微溫毀池水而為道者也鯉魚也是則鯉魚冬負而出祭鯉蓋取其尤好者又淮南子曰獺知水之高下高誘注云高下猶深淺蕭廣濟孝子傳曰獺水獸也似狗而痒肺青黑色立春則羣捕魚聚其所獲陳列於地一縱一橫

對之而
伏也

天子居青陽左个衆寯輅駕倉龍載青旂衣

青衣服倉玉食麥與羊其器疏以達

皆所以慎時氣也青陽左个大

寯東堂北偏也寯輅有虞氏之車也有寯和之節而
饒之以青取其名耳麥實有孚甲屬木羊畜也時尚
寒食之以安性也器疏者刻鏤之象物當貫土而出
也高誘曰東向堂故曰青陽北頭室故曰左个猶
隔也今案札下曹君天下曰天子鄭玄注云天下謂
外及四海也今漢於蠻夷稱天子於王侯稱皇帝周
書人子晉篇曰善至於四海四夷四其表又曰四
荒皆至莫有恐咎乃登為帝注云咎歎恨也舍五等
之尊畀更論事義以為之名孝經援神契曰天覆地
載謂之天子易乾鑿度曰天子爵号也天子者繼天
理物改正統一各得其宜父母
天地以養民至尊之号之也

是月也以立春先立

春三日大史謁之天子曰某日立春盛德在木天子乃

齊立春之日天子親帥三公九卿諸侯大夫以迎春

於東郊還及賞公卿諸侯大夫於朝

迎春祭倉帝靈威仰於東郊之兆也

王居明堂禮曰出十五里迎歲殷也周迎郊五十里

命相布德和令行慶施惠

下及兆民

相謂三公相王之事

慶賜遂行毋有不當乃命太史

守典奉法司天日月星辰之行宿離不忒無共經紀

以初為常

典六典法八法離讀如儻偶之儻謂其屬馮相氏保章氏掌天文者也其相與宿偶

當審候司不得遇是今案春秋說題辭曰天之為言鎮也居高理下為人君陽精也合為太一分為殊名

故立字一大為天說文曰天巔也主高无上從頭也青徐以舌頭言之文理也然高遠也又謂之玄照也

如懸物如上也白虎通曰天者身也鎮也男女惣名為人天地無惣名何天員地方不相類也楊泉物理

論曰天者旋也積陽純附其躰四旋而洞達其德清明而車均羣生之所大仰故稱之曰天正稱曰天者遠不可極望之旁然以玄為色其大無不苞襄其動靡有休息謂之天者一大之名也禮統曰天之為言鎮也神也陳也珍也施生為物本運轉精神功効布陳其道可珍重謂也天子乃以元

日析穀于上帝謂以上辛郊祭天也乃擇元辰天子親載耒音慮

根耜措之于叅保介之間帥三公九卿諸侯大夫躬

耕帝籍天子三推勅雷三公五推卿諸侯九推元辰

後吉辰也耒耜之上曲者也保介車右也人君之車必使勇士衣甲居右而叅乘備非常也保猶衣也

介甲也帝籍為天神及乃執爵于太寢三公九卿諸

侯大夫皆御命曰勞酒既耕而燕飲天氣下降地氣

上騰天地和同草木萌動

此陽氣蒸達可耕之候也
農書曰土長冒振陳根可

拔耕者急發今素春秋元命苞曰地者易也言養物
懷任交易變化含吐應節故其立字吐力之物一者

為地來均注云地加土以力者言地變化成物功着
也加一者奉太一也釋名曰地座也其地平載万物

也然言諦也土所生莫不審諦也
亦謂川順也言順乾之者也

王命布農事命田

舍東郊皆循封疆審端徑術

田謂田畛主農之官也
封疆田首之職分也術

周札作遂小海也步道曰徑
今蒼頡篇曰術邑中道也

善相丘陵阪險原隰土地

所宜五穀所殖以教導民必躬之親

相視之也

田事既飭

先定准直農乃不或

准直謂封
壇徑遂也

命樂正入學習舞

乃修祭典命祀山林川澤犧牲毋用牝

為陽任
生之類

禁止

伐木

威德所在之也

母覆巢致孫者

朝來及也

蟲胎反

音為老及

飛鳥

母麋母卵

為傷萌幼之類者高誘曰麋子曰大廉子曰麋今案爾雅曰麋子慶音惡犂及郭璞

云江東名呼鹿子為慶國語曰獸長慶反唐固注云名麋子曰慶又杜誌志云蜂蟻不螫嬰兒昏蛭不食

交駢憤然則駢例似稱交慶交慶麋慶字並兩通也母聚大衆母置城郭為妨農之

始也掩骼

音格

埋胔

在賜反為死氣逆生也骨枯曰骼肉腐曰胔也

不可以稱兵

必有天殃

逆生氣也

兵戎不起不可從我始

為客不利主人則可母

變天之道

以陰改犯陽也

母絕地之理

易剛柔之宜也

母亂人之紀

仁之時而

孟春行夏令則雨水不時

已之氣

草木蚤

落國時有恐

以水訛相驚也

行秋令則其民大疫

申之氣

煖

風暴雨愬至

正月宿直尾箕好凡其氣逆也回風為
歲案尔雅技搖謂之歲音方遙及李巡

日技搖暴凡從下升故曰歲上孫炎曰回
凡從下上故曰歲音義曰尸子曰凡為類歲
藜芳蓬

蒿並興行冬令則水潦為敗雪霜大擊首種不入之

氣衆之也舊說云首種謂稷也高誘曰雪霜大擊傷
害上穀今案釋名曰雪媿也水下遇寒而歸凝媿

然下春秋考異郵曰霜之為言亡人物以
終釋名曰霜喪也其氣慘毒物喪之也
蔡雍孟春

章句曰孟長也庶長稱孟言天於四時無所常適先

至者長之月終則已故以庶長之稱為名春蠢動也

時別名也日在營室日者太陽之精在天者也在者

行過之辭言非所常居也昏叅中且尾中日入後漏

三刻為昏曰出前漏三刻為明星晨可見之時也孟
春立春節日在危十度昏明星太白八十度畢五度
中而昏尾七度羊中而明日甲乙日者一晝夜之名
言律出於鐘也乃置之深室葭莖為灰以實其端其
月氣至則灰飛而管通東風解凍者少陽之方木位
也風者巽氣之動也風從東來少陽氣動也是月木
升陽達於地陽風動於上故凍得風而解也蟄蟲始
振蟄者伏也振者動也魚上水魚者水蟲而鱗陰中之
陽也上薄於水也感陽而起水尚未清故薄之陰

獺祭魚獺毛蟲西方白虎之屬水居而殺魚者也春

之時乙以柔配庚剛故金得潛殺於木祭者陳之陸

地進而弗食鴻鴈來陽鳥

今案尚書禹貢曰敷黿既猪陽鳥攸居孔安國注云敷

黿澤名隨陽之鳥鴻鴈之屬冬月所居於此澤卑雅曰去陰就陽謂之陽鳥鴻之也

來者自外

之辭也陰起則南陽起則北為二氣候者也孟春陽

氣達故從南方來而北過就陰而產季冬令鴈北向

知此月從南來也天子居青陽左个青木色陽木德

故明堂之東面日青陽左者東面以北為左也今寅上

之室正月位也乘鸞輅車也鸞鳥名也以金為鸞鳥